

## UNDANG-UNDANG DAN PERATURAN PERTANDINGAN BOLA TAMPAR

### 1. Undang-undang Kejohanan

- 1.0 Selain daripada peraturan-peraturan yang terkandung dalam peraturan MSS Malaysia Kelantan, MSS Malaysia, kejohanan ini akan dijalankan mengikut Undang-Undang Bola Tampar Antarabangsa FIVB yang sedang berkuatkuasa.
- 1.1 Sekiranya timbul sebarang masalah penafsirannya, undang-undang dalam Bahasa Inggeris akan dipatuhi.

### 2. Jenis Pertandingan

- 2.0 Pertandingan dijalankan secara berpasukan 12 pemain.
- 2.1 Enam ( 6 ) pemain bermain ( termasuk Libero yang dimasukkan bila-bila masa ), enam ( 6 ) pemain simpanan.

### 3. Pendaftaran Pemain / Pembentukan Pasukan

- 3.0 Penyertaan adalah terbuka kepada semua ahli gabungan MSS Malaysia Kelantan.
- 3.1 Sekolah / MSS Cawangan / MSS Daerah boleh menghantar satu pasukan lelaki dan satu pasukan perempuan bagi setiap peringkat umur bawah 12 , 15 dan 18 tahun.
- 3.2 Setiap pasukan terdiri daripada :

Pengurus Pasukan	1
Ketua Jurulatih	1
Jurulatih	1
Pen. Jurulatih Wanita	1
Pengadil	1 ( Bagi setiap peringkat umur )
Pemain	12

- 3.3 Pemain hendaklah seorang **warganegara Malaysia**, pelajar sekolah yang bergabung dengan MSS Malaysia Kelantan berumur 12 , 15 atau 18 tahun pada 1 Januari tahun pertandingan.
- 3.4 Setiap pemain hendaklah membawa bersama **kad pengenalan asal** ( bawah 15 dan 18 tahun / **salinan Surat Beranak yang disahkan oleh Guru Besar** ( bawah 12 tahun ). Pemain yang hilang kad pengenalan mesti mendapat surat pengesahan dengan gambar dari Pejabat Pendaftaran ( Borang JPN 1/9 atau JPN 1/11 ). Pengesahan pemain akan dilakukan dalam mesyuarat pengurus pasukan.
- 3.5 Setiap pasukan hendaklah mengisi borang ( Rujuk Lampiran ) :

Pendaftaran Individu M01	(bawah 15 dan 18 tahun) R01 ( bawah 12 tahun )
Pendaftaran Pasukan	M02 ( bawah 15 dan 18 tahun ) R02 ( bawah 12 tahun )

- 3.6 Sebarang pertukaran pemain selepas daripada mesyuarat ini tidak akan dibenarkan.
- 3.7 Seorang pemain hanya boleh didaftarkan untuk mewakili satu pasukan sahaja.
- 3.8 Dua ( 2 ) orang pemain tingkatan enam ( 6 ) dan berumur di bawah 20 tahun dibolehkan menyertai pasukan bawah 18 tahun dengan disertakan surat tawaran kemasukan ke tingkatan enam atau keputusan peperiksaan akhir tahun di tingkatan enam bawah.

### 4. Sistem Pertandingan

- 4.0 Penyertaan yang tidak melebihi 5 pasukan, pertandingan akan dijalankan secara liga satu pusingan. Dua pasukan yang terbaik akan bertemu di peringkat akhir.
- 4.1 Dimana penyertaan tidak melebihi 6 hingga 8 pasukan, pertandingan akan dijalankan secara liga satu pusingan di dalam dua kumpulan A dan B. Kedua-dua pasukan yang berjaya ke peringkat akhir pada kejohanan tahun lalu akan mengetuai kumpulan (seeded). Pasukan Johan akan mengetuai Kumpulan A dan pasukan Naib Johan mengetuai Kumpulan B. Pasukan lain akan diundi untuk menentukan kumpulan masing-masing. Dua pasukan terbaik daripada kedua-dua kumpulan layak ke peringkat separuh akhir , dimana A1 akan bertemu B2 dan B1 akan bertemu A2. Pemenang di dalam perlawanan ini akan bertanding di peringkat akhir manakala pasukan yang kalah akan bertanding untuk merebut tempat ketiga dan keempat.

## 5. Cara Menentukan Keputusan

- 5.1 Pertandingan ini dikira dari dua set terbaik ( 2-0 atau 2-1 )
- 5.2 Mata kemenangan bagi bawah 12 tahun ialah 15 mata ( tidak dikira secara "rally".Sekiranya kedudukan mata 14-14 maka permainan diteruskan perbezaan dua mata , contoh 16-14 atau pasukan yang mencapai mata ke 17 dikira pemenang.
- 5.3 Bawah 15 dan 18 tahun kiraan mata ditentukan secara "rally" 25 mata ( pasukan yang yang memperoleh 25 mata terlebih dahulu dikira sebagai pemenang bagi set tersebut .Sekiranya kedudukan mata 24-24 maka permainan diteruskan sehingga tercapai perbezaan dua mata , contohnya 40-38 )
- 5.4 Pasukan yang menang diberikan 2 mata  
Pasukan yang kalah diberikan 1 mata  
Pembatalan teknik / tarik diri 0 mata
- 5.5 Sekiranya ada pasukan-pasukan mendapat mata yang sama, maka kaedah berikut digunakan :

C	=	A/B
A	=	Jumlah set menang ( semua perlawanan )
B	=	Jumlah set kalah ( semua perlawanan )
C	=	Nisbah set

Pasukan yang mendapat nisbah set , C yang lebih tinggi dikira menang

## 6. Pakaian

- 6.1 Tiap-tiap pemain hendaklah memakai jersi dan seluar seragam.
- 6.2 Pemain Libero hendaklah menggunakan jersi yang berlainan warna daripada warna jersi pasukannya.
- 6.3 Jersi hendaklah bernombor saiz tidak kurang daripada 15 cm tingginya di depan dan 20 cm di belakang.
- 6.4 Nombor yang digunakan adalah dari 1 hingga 18 sahaja.
- 6.5 Garis nombor hendaklah tidak kurang daripada 2 cm tebal.
- 6.6 Pasukan yang gagal memakai jersi mengikut peraturan di atas akan dilarang bermain dan pasukannya boleh dibatalkan perlawanan.
- 6.7 Pegawai pasukan hendaklah memakai pakaian yang seragam.

## 7. Gelanggang Pertandingan / Permainan

- 7.1 Semua garisan adalah 5 cm lebar.
- 7.2 Ukuran gelanggang  
bawah 15 dan 18 tahun 9m x 18m  
bawah 12 tahun 8m x 16m
- 7.3 Ketinggian rasmi jaring untuk pertandingan ialah :  
Lelaki bawah 8 2.43 meter  
Lelaki bawah 15 2.35 meter  
Perempuan bawah 18 2.24 meter  
Perempuan bawah 15 2.20 meter  
Lelaki dan perempuan bawah 12 2.10 meter

## 8. Alatan

- 8.1 Bola mestilah berbentuk sfera.Diperbuat daripada kulit lentur atau kuit sentetik dengan satu pundi dalaman di dalam diperbuat daripada getah.
- 8.2 Warna boleh seragam dan cerah atau kombinasi warna – warni.
- 8.3 Lilitan  
bawah 15 dan 18 65cm hingga 67cm  
bawah 12 62cm hingga 64cm  
  
Berat  
bawah 15 dan 18 260gm hingga 280 gm  
bawah 12 200gm hingga 220 gm  
  
Tekanan udara  
bawah 15 dan 18 0.30kg hingga 0.35kg  
bawah 12 0.30kg hingga 0.35kg  
  
Saiz  
bawah 15 dan 18 5  
bawah 12 4

## 9. Kelewatan

- 9.1 Tiap-tiap pasukan mesti bersedia di gelanggang 30 minit sebelum masa yang ditetapkan untuk perlawanan.
- 9.2 Jika satu pasukan datang lewat 10 minit selepas masa yang ditetapkan tanpa sebab yang munasabah, pasukan tersebut akan diisytiharkan kalah dan pasukan lawan akan diberi mata kemenangan percuma 2-0 ( kiraan mata 25-0 , 25-0 ).

## 10. Pembatalan ( 'walkover' )

- 10.1 Pasukan yang menarik diri dengan sengaja tidak akan dibenarkan meneruskan perlawanan seterusnya dan semua keputusan perlawanannya dibatalkan.
- 10.2 Pengelola akan menyediakan laporan tentang penarikan diri ini kepada urusetia MSSM Kelantan.

## 9. Bantahan

- 9.1 Keputusan pengadil adalah muktamad.
- 9.2 Segala bantahan mengenai undang-undang permainan akan dirujuk kepada Jawatankuasa Teknik Bola Tampar MSS Malaysia Kelantan dan keputusannya adalah dihormati.
- 9.3 Pasukan yang ingin membuat bantahan hendaklah mengemukakannya secara lisan kepada pengadil bertugas pada ketika insiden itu berlaku melalui **Ketua Pasukan semasa** dan **pengadil** akan mencatatkan 'ingin bantah' di dalam "score sheet" serta-merta.
- 9.4 Bantahan Rasmi secara bertulis hendaklah dikemukakan kepada pihak pengelola dalam masa satu jam selepas perlawanannya tamat supaya bantahannya dapat dipertimbangkan.
- 9.5 Semua bantahan hendaklah disertakan dengan wang pendahuluan sebanyak RM 300 ( Ringgit Tiga Ratus Sahaja )
- 9.6 Wang pertaruhan tidak akan dikembalikan apabila bantahan tersebut didapati tidak mengikut peraturan atau munasabah.
- 9.7 Keputusan Juri Rayuan akan dibuat secara bertulis serta dimaklumkan kepada yang berkenaan dan keputusannya adalah muktamad.

## 10. Juri Rayuan

- 10.1 Juri Rayuan (minima 5 orang manakala maksima 7 orang ) yang dipengerusikan oleh Pengerusi Teknik Bola Tampar dengan ahlinya terdiri daripada Pengerusi Jawatankuasa Pengelola / wakilnya, Setiausaha Kejohanan Pengelola Ex-Officio, Penyelaras Permainan MSS Daerah / MSS Malaysia Kelantan serta 3 orang pengurus pasukan yang tidak terlibat dengan bantahan akan bersidang dengan segera untuk menentukan kesahihan bantahan.
- 10.2 Rujuk Peraturan Am MSS Malaysia Kelantan.


## 11. Jawatankuasa Tatatertib

- 11.1 Jawatankuasa Tatatertib adalah terdiri daripada Pegawai Pelajaran Daerah, Pengelola, Pengerusi Teknik Bola Tampar, Wakil Urusetia MSS Daerah / MSS Malaysia Kelantan dan 2 orang Pengurus Kontingen yang berkecuali.
- 11.2 Jawatankuasa ini berhak untuk mendapatkan maklumat dari mana-mana pihak yang terbabit dengan perkara yang dibincangkan untuk membuat keputusan.
- 11.3 Rujuk Peraturan Am MSS Malaysia Kelantan.

## 12. Perkara yang tidak dinyatakan

- 12.1 Semua perkara yang tidak dinyatakan dalam peraturan ini akan diputuskan oleh Jawatankuasa Pengelola Kejohanan yang berkenaan dan keputusan adalah muktamad
- 12.2 Sila Rujuk Peraturan Am MSS Malaysia Kelantan.

RAJAH GELANGGANG PERMAINAN  
 BOLA TAMPAR BAWAH 15 DAN 18 TAHUN  
 MAJLIS SUKAN SEKOLAH-SEKOLAH MALAYSIA KELANTAN



**RAJAH GELANGGANG PERMAINAN  
BOLA TAMPAR BAWAH 12 TAHUN  
MAJLIS SUKAN SEKOLAH-SEKOLAH MALAYSIA KELANTAN**

